

D E
EXCELLENTISSIMA
COLVMNENSIVM
FAMILIA
O R A T I O
MICHAELIS ANGELI
SAMMARVCI ROMANI
A D
MAGNVM COMESTABILEM
REGNI NEAPOLITANI
PHILIPPVM COLVMNAM.
D V C E M
PALIANI, ET TALEACOTIL, ETC.



Romæ, In Hospitio Puerorum Litterati. 1633.
Apud Io: Baptistam Roblettum.

Superiorum permiffu.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10
PART 1
1880
LONDON
PUBLISHED BY THE INSTITUTE
21, BEDFORD SQUARE, W.C.
1880

MAGNO
COMESTABILI
REGNI NEAPOLITANI.

PHILIPPO
COLUMNAE.

Michael Angelus Sammarucius P.



EDEO ad ingenium,
atq; institutum meum,
arumnosa vitę acerbita-
te diutius internissim,
& variis affectum infor-
tuniis, quibus liuor, falla-
ciarum omnium scientis-

simus, me persecutus est, & meam aduer-
sus innocentiam tam nefarium anhelauit
scelus, vt propemodum lacrymandum sit

illi, qui habet sensum humanitatis. Quare
 nunc denuo venio ad te (Princeps Excel-
 lentissime) hoc est, è naufragio ad portum,
 & in sinum splendoris, ac nominis tui ite-
 rum confugio; Quippe me non latet, vlla
 sine labe calamitatem tua quidem Ma-
 gnanimitate subleuari. Accipe igitur,
 quicquid de antiquissima tui Generis no-
 bilitate mea dicendi ignobilitas locuta
 est. Ac si ingenio parum in hoc valuerim,
 & tenuibus vsus sim viribus doctrinæ, me
 excusa; Quoniam angustum vitrum non
 capit Maria, lippus non sustinet Solis ra-
 dios, neq; infirmus humerus tantam Mo-
 lem regit; Vale.

D E

EXCELLENTISSIMA
COLVMNENSIUM

FAMILIA:

ORATIO

A D

MAGNUM

COMESTABILEM

REGNI NEAPOLITANI,

PHILIPPVM

COLVMNAM.



V. E. singula disertissimis etiam,
eloquentia Principibus, amplis-
simo in loco, dicentibus, metum
incutiunt, (Princeps Excellentissime) ea,

1717

3

mihi

mihi infantissimo Oratori, in hac suscepta
 exornationis prouincia, se se offerunt vni-
 uersa; Enim verò cum affluentia laudum,
 & præconiorum vbertas, quorum coro-
 namento, COLVMNENSIS amplitudo
 Familiæ, ac maiestas, decorata in dies
 magis, magisq; maxima quidem accessio-
 ne gloriarum efflorescit; tum dicentis ie-
 iunitas, mihi plurima prætermittenti, &
 pauca proponenti, summam plane difficul-
 tatem afferret, & mentem ab incepto mu-
 nere quodammodo retardaret, nisi veritas
 ipsa, quæ peregrinis facundiæ pigmentis
 fucata corrumpitur, simplex, puraq; mor-
 talium mentibus inferi, oculisq; in medium
 proferri nuda desideraret; nam veritatis
 indumentum nuditas est. Quis enim in
 tanta rerum ignorance versatur? cui co-
 gnitum, perspectumq; minime sit, eam esse
 Columnensium nobilitatem, atq; præstan-
 tiam, tantamq; ex ea, tanquam ex inclyto
 virtutis theatro, maximorum vbertatem
 Heroum extitisse, vt demissa potius vene-
 ratione silentij, quam exili, ieiunaq; dicen-
 tis eloquentia, veneranda sit, atque ad eam
 pro dignitate laudibus exornandam, nihil
 nisi perfectum ingenio, industriaque dili-
 genter elaboratum, afferri debeat. Verum
 ne me sublimia humiliter, tenuiter ampla,
 præ-

præclaraque inornatè tractantem in tanta
rerum copia deterreat orationis exilitas
(Princeps Excellentissime) omne mihi per-
fugium singulari in tua humanitate, muni-
tissima velut in arce, futurum esse confido;
vt meam dicendi imbecillitatem, quod mi-
hi summopere necessarium esse video, tuæ
confirmet robur humanitatis: atque dum
aliquid de gloriosissima tui generis nobili-
tate balbutire conatur ignobilis mea pe-
rorandi tenuitas, nobilissimæ tuæ benigni-
tatis aura corr oboretur.

Atque vt indè oratio mea proficiscatur;
vnde hoc vniuersum meum exornationis
ducitur argumentum, Princeps philoso-
phantum, ac sapientiæ prodigium Aristo-
tiles sapientissimè de more pronunciauit,
nobilitatem esse quandam claritatem, ab
antiquissimis parentum primordiis suum,
deriuantem genus; & neminè cuiuscumq;
mortalium ordinis illa spectatissimæ nobi-
litis nota cohonestari, nisi præclarissimis
ortum natalibus, & qui possit ad maiores
longè clarissimos originem, & principium
referre, ac ostentare genus in primis no-
bile, cuius vetustas longissima bellatorum,
ac literatorum, serie, haud dubiis testata,
monumentis, à primis illis seculorum æta-
tibus, & condita huiusce vniuersitatis ini-
tiis,

riis, repetatur: sed fortasse idem Peripateticus, ex hac, honorum, nominumque prærogativa, vanissimas deduci familiæ ostentationes ignoravit; & inaniter omnium ubique mortalium ora gloriis, ac fumosis Aurum imaginibus, falsis quodammodo fortunæ bonis, efferri, ut si pueros alieno quidem paludamento, purpuraque non sua, superbientes videres; quæ hæreditaria non relinquuntur à Maioribus, sed plurimis sanè laboribus, & vitæ periculis comparantur; & ipsa virtute, quæ nec aliorum induitur exuvius, nec appetit vulgi plausibus enitere, ad splendorem futuræ posteritatis conservantur.

*Stemata quid faciunt, quid prodest Pötice lōgo
Sanguine censeri, pictosq. St. ndere vultus
Maiorum &c.*

Et postea,
*Tota licet veteres exornent undique cera
Atria; nobilitas sola est, atq. unica virtus.*

Hinc Marius, Romanus Orator, & morum censor, ac Magister Iuvenalis, ceteriq; huiuscemodi, qui ab ipso incuntis ætatis principio illud arduum, ac cum labore ad virtutem directum iter, ingressi, nihil in vita expectandum, aut magnificiendum putarunt, nisi quod cum laude, & dignitate, coniunctum virtus ipsa fortibus animis lat-
gire.

giretur. Quamobrem per inclytos honorum tramites adeo laborarunt, ut è loco obscuro, & familiæ sordibus, ad supremum amplitudinis gradum, imò ad amplissimum dignitatis fastigium euecti fuerint.

Quapropter Aspasia prudentissima illa, ac celeberrima Matrona, apud Platonem ingenij, & doctrinæ principem, iussit Maiorum illas imagines, ac decora triumphorum, posterorum ob oculos ab illis potissimum poni, qui lugubres inter parentium inferias, ac funestissimas inter maioris tenebras natas de mortis umbræ, Auos tunc extinctos, anniuersario lacrymarum tributo prosequerentur, ut Natorum, Nepotumque mentes ad præclaram earum virtutum æmulationem inflammarentur, ac totius familiæ decus, & ornamentum, quod à Maioribus amplissimum acceperat, maiori virtutis incremento longe cumulatam Posteritati relinquerent. Quare sæpe sæpius visi sunt complures præter vetusta domesticæ amplitudinis monumenta, egregia Parentum, facinora, & claritatem nihil habere, nisi ipsius ea propriis gestis, scientiis, & doctrinis, (quæ sunt splendida nobilitatis præsidia) cohonestarentur, & virtutis prætio ampliora fieri viderentur.

Quod

Columnen-
sium Familia
& antiquita-
te generis,
& splendore
virtutis no-
bilissima.

Originē re-
petit ab Her-
cule.

Quod sane vtrumque decus inclyta Colum-
nensium Familia complexa est, quę si emi-
cuit in bello; nequaquam turpissimo ani-
mi laxamento confecta est in pace, quę
gemina laures, hoc est armis, & toga
splendidissima, quodammodo laudum exi-
miarum coronide, se exornauit, quę deniq.
quęritam domi gloriam in publico auxit, &
in publico partam domi reddidit celebri-
orem: ò præclaras laudes, ò præconium sin-
gulare. Sed, antequam ad cęteras huius
gloriosissimę gentis virtutes enarrandas,
accedamus, in ipsius præclarissimo Rem-
mate, excelso velut in theatro, eius nobili-
tatem, & amplitudinem contemplemur.
Hercules Hercum ille fortissimus, ac stre-
nuitatis miraculum, qui cum ipsius infantię
crepundia, & incunabula, draconum san-
guine decorasset, ac deinde asperrima vir-
tutis cacumina prætergressus, gloriososque
post exantlatos labores, complurium fu-
nere portentorum, opimisque percelebris
exuiis, demonstrauit vniuerso terrarum
orbi, ipsum ea facinorum laboriosissimorū
ascendisse fastigia; quia non in æquata ter-
rarum planitie, ac in apertis deliciarum
plagis, triumphantum coronę germinas-
cunt. Is enim Osyridis genitoris vltus mor-
tem, profectus est in Hispaniam Geriones
aduer-

adversus, & cum ea portento forum hominum pectora profligasset, ac Montes, Calpen, & Abylam cum diuisisset, Columnas extrulit, eisque veluti gloriosissimæ fortitudinis limitibus, confiniis bellicosissimæ laudis, vastissimas, ac longe, lateque diffusas vadarum immensitates terminauit. Inde in Italiam migravit: ipsi enim post memorabilia egregiæ planè fortitudinis gesta, nupsit filia Cæculi, qui Vrbe in Prænestina summo cum Imperio regnabat, ex qua aliquos suscepit natos, qui Regali COLVMNAM in Stemmata crexerunt: Unde antiquissimum duxit initium Herculeæ, quidem profectò Columnensium Familia; Neque immerito ea, tam singulari antiquitatis appellatione mihi cohonestata videtur: quoniam duo millia supra septingentos, & quinquaginta annos repetit ab Hercule. Postea vero Traianus Imperator, qui in tanta resurgentis Urbis pulchritudine talem se præbuit Reipublicæ, qualem vix exprimere sunt morū plane Historicorū ingenia valuerunt. Is enim in communi omnium gentium, ac nationum lætitia, cū vocales virtutis suæ naus præcones esset, & consecutus, voluit huic Urbis æterna Columni; hoc est stabilitati virtutum, SEPTE. DE 1570. ET. 1571. NUM. 1

quia ipse natus est apud Columnam; quæ sibi numen fuit Imperialis dignitatis.

Olympiodorus historicus in paucis eximius dicit. Traianus Imperator fuit patria Tudertinus, & ipse nobilissimā Domum de Columna in Vrbe Romana plātauit,

nunquam sanè defecturæ, incumbere, & illud pulcherrimis longè, Augustorumque dignissimis liberalitate, monumentis, reddidit munificentissimum; Quippe in altissimam terræ profunditatem iecit fundamenta è saxis validissimis, ad forum, ad miraculum vsque ditandum; porticum, marmoribus proprio sub pondere sudantibus circumdedit: hic Belgico saxo, hic Numidico, hic Lesbio, Ætyopico, Pontico, Indico ludebat maculosa varietas; vidisses columnas illas, multarum onera navium, & mille boum immania plaustra, molesq. ipsas defatigato Oceano, & Fluminibus terrarum ab ultimis deportatas. Posuit in medio arduam Columnam vnā, Augustam planè memoriā, ac celeberrimum antiquæ magnificentiæ monumentum, apud quod obscuratas iam video Aegypti Moles, & Cariæ Mausolæa, & quicquid summo quondam splendore maxime prædita Persarum, & Asyriorum superbia in terris excitauerit. Ibi circum res Romanorum vniuersas imprimendas curauit non tantum ad gloriam Urbis regnatricis; verum vt futura ad eam Posteritas æmulo linore ventitaret, atque de ea gloriaretur. Hisce tantummodo moenibus virtus tanta poterat contineri, atque

erigi

erigi hæc Columna , quæ Sua Stat Mole ,
 Vrbs inquam illa vna huiusce erat ca-
 pax , quæ cunctarum gentium patria ,
 maiestatis , & gloriæ domicilium , virtu-
 tum nutrix , Heroum altrix , Amphithea-
 trum fortitudinis , antiquitatis monu-
 mentum , & sedes Romanorum . Hæc
 Columna est illa ex igne , quæ tranquil-
 lissimos , ac longè , lateque diffusos ra-
 diorum emittit imbres , & nouo pluuij
 splendoris in dies incremento tres ape-
 rit vias , Militiæ , inquam Pietatis , & To-
 gæ , per quas COLVMNENSES , veluti
 filij lucis , iter faciunt gloriosissimè ad
 regiam Solis , hoc est ad theatrum Im-
 mortalitatis . Et quoniam vnumquemque
 strenuissimum , naturæ nutu , ductuque
 cogit hoc pristinæ gloriæ , & ingenue
 plane libertatis fortunatum solum ,
 triumphorum , ac victoriarum summope-
 re fertile , vt eo teneatur desiderio , quod
 in Heroibus , Romano sub Cælo ortis ,
 atque educatis , maximam vim habet ad
 pugnas , & magnis quidem ingenijs , ex
 hisce senescentis quondam Vrbs , defor-
 mi ædificiorum squallore , reliquijs , atque
 ex hac sepulchrali Molium , tum antiquæ
 magnificentiæ , cum etiam , vetustatis ,
 non

Hæc familia
 redditur ce-
 leberrima
 militia, pie-
 tate, & to-
 ga.

nondum euanescentis, imagine, magnanimum quiddam, & quasi Martiale, spirat Roma, cuius sic longè, lateque diffusa est virtus bellica, & Maiestas, vt ditionem suam non vltimis terrarum marginibus, sed vastissimis Cælorum regionibus equauerit: ab iis initium capiam, qui amplissima Militiæ prerogativa, maxima sibi, ac ciuibus suis decora compararunt ac primo mihi licebit appellari Carolus Columna, summopere clarus, armorumque gloria percelebris, qui ab inimicis expulsus protectus est in Moscos, quibus in Oris, oppidum Columnam erexit, vt peregrinis etiã in plagis suę spectatę nobilitatis sempiternum aliquod extaret ad posteros Monumentum: qui præterea meritis grauior, quam in annis, Romam rediit, maxime diues, ac omnium acceptus alacritate Cinium, & beneuolentia, principio cuiusdam nobilis magnificentiæ Familiam est profecutus: Et cum aliqui Columnenses ab Vrbe discessissent, vt magis eorum pateret virtus, migrarunt in Germaniam, vbi Hennebergh ædificauerunt, Dominique fuerunt ipsius, ac Principes: Inde Pyrrhus Pheyler, quem Stemma Columna cohonestabat, Romam venit, cui extincto successit Valerius Columna, amplissima illa

Carolus Columna profiscitur in Moscos, ibique oppidum Columnam ædificat.

Germania à quibusdam Columnensibus fabricatur Hennebergh, & ipsius sunt Principes. Pheyler dicebatur Columna in Germania.

Co-

columna Patriæ, cuius fama nullis sæculorum circumscripta finibus perennabit: Sed illos etiam appello. Othonem, inquam, Martium, Sciarram, Ioannem, Iordanum, Laurentium, Antonium, Hieronymum, Prosperum, ceterosque, illa inquam Romani nominis lumina, quæ ne nunc quidem post occasum illustrare posteros desierunt, ex quibus nonnulli fuerunt, qui ea dedere paterni signa roboris, & sapientiæ, quibus ostenderint suo etiam in pectore magnum foueri bellorum ignem, altæque pacis cinere consopitum esse, & non extinctum, qui iterum tubarum flatibus succensus, atque gloriæ Aquilonibus impulsus, nimirum in ultima inimicorum excidia erumperet. Verum quid de te dicam? Magnanime Ioannes, qui in legatione aduersus Turcas hostilibus spoliis onustus, atque Othomannicæ Tyrannidis barbariem retundere conatus, Christianus miles dicam ne, an Martyr? de ferali illorum immanitate Tyrannorum victoriam reportasti, atque de illa gloriosissimè triumphasti. Tū Columnam, ubi humani generis Reparator squalore supplicij miserabiliter spectabilis extitit, amplissimum tuæ constantiæ quodammodo trophæum, tulisti in Italiam: ò facinus palmare, atque aureis characteribus im-

Valerius Columna aliique copines de hac familia.

Ioannes Cardinalis Columna, qui Christum ex Affricorum plagis tulit in Italiam.

pri-

primendum, omnique sæculorum memoria celebrandum. Vni nimirum Romanæ fortitudinis COLVMNÆ lieuit munerari alia Columna; Quippe Vrbs Roma nequaquam timere debet, ne superba complanet mœnia Hostium fulmen, quia maius ad præsidium ipsi habere in se, & Coeli Columnam, & Terræ, est gloriandum. Quis enim non putabit nostris etiam tempestatibus nouum fore Ioannem, qui non tam splendore purpuræ coronatus, quam suarum Sole virtutum illustratus, iturus sit summo cum imperio præfectus in Asyriam, exercitumque aduersus illas Treicæ belluas impietatis conscribere à Pontifice iussus, ut illis in efferatis, & barbaris partibus firmissima iaciat Religionis Christianæ fundamenta: Quoniam viuit Ioannes Columna, & in dies magis, magisque fulget in Maiorum gloriis, dum reputat honestissimam occasionem sibi oblatam à parentibus, erectoque animo dat operam, ne villo pacto ab illis degenerare videatur, & generoso quidem conatu non tam hæreditaria familiæ, quam virtutis decora consequatur. Prætereo strenuissimos illos exercituum Imperatores, & inuictæ heroas fortitudinis, quos immortalitate dignissimos reddidit virtutum studium in toga, & in bel-

Nic laudatur Illustrissimus, atque Excellentissimus Ioannis Columna.

bello animi magnitudo, & liberalitas, qui
 etiam remotissimas Terrarum migrarunt
 in oras, ut in Amplissimo virtutis Campo
 noua bellorum seges noua esset materia
 triumphorum. Illi quidem, cum maxime
 fuisset audacia, scelus anhelaret, pestem
 religioni nostræ nefarie moliretur, Christia-
 nis omnibus, viris, feminisque vincula, mor-
 temque minaretur; omne à nobis pericu-
 lum, vitæ suæ periculo, depulerunt, Barba-
 ricasque & immanissimas nationes debel-
 larunt, eisque in nos irruentibus iter cor-
 poribus suis occluserunt, ac perniciem,
 quam ferox Othomanus Christianorum
 orbi machinabatur, in ipsius caput con-
 uerterunt, Victoriis, & Turcicarum vrbiu
 direptionibus Traciam peragrarunt. Reti-
 ceo triumphos nunquam ingrata Poster-
 itatis reticentia obruendos; sed quid de te?
 (Marce Antoni Columna,) qui impene-
 trabili, ac prope Cælesti sub clypeo lucens
 formidabile Orientis Imperio, & immor-
 tale micans in armis, Auctor fuisti, ne mi-
 ferrime, ac nunquam satis deplorate Cypri
 clades amplius in Christiana Republica
 renouarentur, ac Selymus, Mustaphus,
 ceterique Barbari Duces per illos Ambra-
 ciæ campos cadaueribus Christianorum
 b opple.

Marcus An-
 tonius Co-
 lumna.

Fabricius
Colūna, cui
nupsit Hipo-
lyta Gonzaga.

opletos, insana rerum molitione graffarentur, tantaque Fidelium internecione imminerent, ac ipse immanissimus Turcarum Tirannus omnium Regnorum appetens, tot armatarum nubibus Cohortium, quas quotidie in pugnas cogit, incredibili dissipatione iugum sempiternæ seruitutis in nostris, totiusque Reipublicæ cervicibus collocare pergeret. Quid de te? (Fabrici) Obscuretur clarissima Amazon illa non tam Historicorum celebrata literis, quam fabulosis decantata Commentis, Hyppolita, quæ cum Barbaris, atque efferatis Nationibus, belluisque immanissimis, decertavit; verum tantam eius virtutem vnus Hercules; superavit; obscuretur. Quippe floruit alia Amazon in terris Hippolita, inquam Gonzaga, longe pulcherrima, quæ dos nihili haberetur in corpore, nisi pulchritudinem virtutis splendor illustraret; Tū Fabrici, Romanus velut Hercules, ab ea cingulum reportasti, vt tui generis spectata nobilitas clarissimo ducta fonte, velut purissimo excepta solo, ripas, atque aluēū amplificans, clarior, auctiorque ad Posteros emanaret, tuas sileo laudes, ac virtutes, nam alienis eloquentiæ luminibus nequaquam eget ille, qui propria luce refulgeat.

geat. Verum ne longior pouehatur Ora-
tio, accedamus ad eos, qui hæc istorum
arma mansuetioribus quidem Musis exor-
narunt. Inter illos celeberrimus extitit
Aegidius Columna, cui imposita fuit Diui
Augustini ordinis præfectura, qui non fuit
nixus Maiorum meritis, & gloriis, talis
enim fuit, ac tantus, vt etiam si præclari
generis ornamenta defuissent, summum
ipse generi ornamentum esse videretur, &
clarissimo suarum splendore virtutum, Ma-
ioribus etiam obscurissimo loco natis lu-
cem afferret. Neque vos præteream in hac
publica panegyri, Ioannes Columna de
Prædicatorum familia Sancti Dominici,
Pomponi, & Alexander, quorum ex mori-
bus tam ferax extitit Heroicæ virtutis vber-
tas, vt scripta vestram longè præstan-
tissimam in omni tempore doctrinam te-
stari videantur. Venio nunc ad huius incly-
tæ familiæ singularem erga Cælestes pieta-
tem, ac primo ad hanc postremam Ora-
tionis partem exornandam, summum illū
Sanctissimum Pontificem Sixtum appello,
qui Diuino præpositus ærario, cum insa-
tiabilem immanissimi Tyranni crudelita-
tem atrocissimis pænis explere non potuis-
set, acerbissimo sub cruciatu clausit ora,

Nunc de il-
lis, qui in
literis sum-
mopere vau-
luerunt.

Aegidius
Columna.

Ioannes Co-
lumna. Pom-
ponius, &
Alexander.

Nunc deni-
que de Pie-
tate.

Sixtus Pont.
Max. Mar-
tyr.

Marcellus,
Adrianus Tertius,
Stephanus VI.

Laudes Mar-
tini Quinti.

apertit vulnera, & augustissima martyrij
laurea fuit coronatus; Testor Marcellum,
Adrianum Tertium, ac Stephanum VI. qui
Regium Romani Sacerdotij Principatum,
assecuti, hanc gloriosæ nixi Columnæ, no-
uelli sicut Atlantes, huiusce Molem vniuer-
sitatis sustinuerunt. Hinc etiam Martinus
hoc nomine Quintus, heros ille concordie
amans, & publicæ quietis fundator, qui
nequaquam ab illis mihi degenerasse vide-
tur; Nam ipsa rerum ab eo præclare ge-
starum multitudo eripit Oratori delectum,
& disertissimam Orationem, & copiosissi-
mum, amplissimūq. postulat dicendi ge-
nus. Gratulamur enim mutuas populor-
um inter se desidentium, ac fluctuantium
Arages, in tanta Italiæ tumultuantis solli-
citudine, prudentis charitatis officiis sub-
latas, admiramur singulari comitate con-
ditam gravitatem, incredibilem mansue-
tudinem nullis labefactam offensionibus,
Sacrum Imperium, semina virtutum, incre-
dimenta Patriæ, Iusticiam, Sapientiā, For-
titudinem, Temperantiam, Diligentiam in
re Militari, in Ciuilibus lenitatem, in suble-
uandis Ciuitatibus largitionem, Fidem in
medio collocatam, ornamenta Familiæ,
Victorias de aduersis reportatas, fundamē-
ta

ra Pietatis, firmamenta Religionis, probita-
 tis Iura, prudentię Scita, Sapientię Decreta,
 præcepta Sanctitatis, inuitamenta Laudum,
 optimę vitæ institutionis exempla, orna-
 menta Morum, & Simulacra Virtutum ad
 Posterorū propagata. Gratulamur denique
 ipsum in amplissima populorum admini-
 stratione, partes omnes expleſſe pulcherri-
 mę, præſtantiffimęque virtutis, diſſuſcentes
 Eccleſiaſticorum mores coercere, Nauicu-
 lam Petri Schiſmatis, & Seditiōum omniū
 fluctibus quaſſam, in portum Salutis redi-
 gere, caput renaſcentis hydræ ubique radi-
 citus extirpare, cultum Diuinum amplifi-
 care, Hęreſim impunē baccantem oppri-
 mere; ipſas Cœli Ianuas hominibus vel ape-
 rire, vel claudere, omnem vigiliam, indu-
 ſtriam, diligentiam ponere, vt firmaretur
 Religio, eius ſtabilirentur vires, illaq. pro-
 ferretur per omnes nationes, ac gentes, &
 nulla ex parte nutaret. Quamobrem, quan-
 tam ſe præbuerit quōdam Romana poten-
 tia, vlla abſq. dubitatione eſt animadu-
 tendum, quando ſua labans, ac laborans
 magnitudine, tēporumq. diuturnitate pene
 debilitata, quemadmodō illa, cui vires nun-
 quā erant defeſtūrę, vidit proprio ex vtero
 ad iaſtantiā illius Nationis bellatricis in lu-
 cē edi hanc firmiſſimā pietatis Columnā, vt

Cardinales.

Hieronymus
Cardinalis
Columna, e-
lusq; laudes.

illa amplitudo Domini, ac Maiestas tanto sub pondere sibi propemodum incumbens, ab ea sustentaretur. Hinc quoque complures firmissimi nostræ Fidei cardines, nempe purpurati Patres, Nicolaus, Potentianus, Cesonianus, Attilius, P. Arcadius, Phatidius, Montius, Herodorus, Veturius, Latinus, Maiorinus, Theobaldus, Raimundus, Manilius, Benedictus, Ioannes, Albertus, Iacobus, Petrus, Agabitus, Stephanus, P. Paulus, Otho, Pompeius, Ascanius, Ceterique innumerabiles, quorum omnium virtutum cumulus in Hieronymo Cardinale Columna, clarissimo purpurati Cæli sydere, & nostri ævi luce, reuiscit, immo augetur, qui (quod rarum est inter Principes) cum Amplissima purpuræ Maiestate, incredibilem quidem sapientiam omnium Doctrinarum studio exaggeratâ, copulauit, adeo ut non tam hæc Vrbs Terrarum, Marisque totius longe, latèque fusi Regina quam Bononia, Doctissimæ quidem Italiæ Athenæ, ob innumerabiles, & Maximas planè utilitates, ex eius felicitate, profectas, recordari iucundissimè; deque singulari eius virtute, debeat quam diutissimè gloriari. O præclaras laudes æternitatis æmulatrices, quæ
 per

De Columnensium as-
finibus.


per Heroica Patrum vestigia cognato immortalitati vertice, decurritis; nempè dignæ, quæ per omnia immortalium laudum præconia celebrentur. Verum ad maius huiusce Familix decus vos vos appello, vos Austriaci, Aragoni, Estenses, Boromei, Sfortiades, Vrsini, Cybi, Pignattelli, cæterique nobilissimi Italix, Europæque, & aliarum Mundi partium Heroes, qui peruetustam COLVMNENSIVM Nobilitatem, & Amplitudinem cum antiquissimo vestræ Familix Splendore geminastis. Sileant igitur hic Nobilissimæ quondam Romanorum Familix, quas in nihilum propemodum redactas sæculis circumlabentibus fuit admirata Posteritas; verùm hæc eximix Nobilitatis, & Heroicæ Magnitudinis ornamenta noua quotidie accessione virtutis cumulata conspicio, ac præsertim in te, **PHILIPPE COLVMNA**, præclarissimum Romanæ Ditionis lumen, ac Columnen; Quoniam in Amplissima hæc decorum claritate splendoris sedem elegit Romani Cæli Sol met ipse, ac Terrarum publica lux **VRBANVS**. Sileant hic quoque Alexandri quondam illi Macedonix, quos cum terris vniuersis arma circumtulissent, atque Oceanum ultra, Mundique claustra,

b 4

pro-


bellatrices illa patefient loca Fidelium venerationi, Sanctitatis, & Maiestatis plenissima, quæ olim delapsus in terras Deus suis calcavit pedibus, lustravit oculis, laboribus consecrauit, nobilitauit infamia, ac sanguine colorauit. Quare se non aliunde vere tranquillissimo sperant fruituros aridi Gethsemani Horti, percussi, & vsque adhuc procellosa affecti tempestate horribili, ferociq; Tartarei spiritus afflatu, vecto Aquilonum alis, sanguinea sub Luna; Neq; aliunde Flores Nazareni suam desiderant salutem, nisi ab hac COLVMNA, super quam dulciter volantes APES Terrarum regnatrices, ibunt breui ad componendos suauissimos quidem fauos Cedrorum truncis incorruttibilium in florentissimo Libani gremio. Hinc distillabunt populis, Regionibusq; illis miserabilibus dulcissimum libertatis iam olim; sed nunquam satis deploratæ, solamen, cuius Mel ipsa erit VRBANITAS: errauit, Diuinitatem dicere debueram; ipsa nunc enim VRBANITAS, Diuinitas est.

D I X I.



D E
MARCO ANTONIO
COLVMNA.
O R A T I O

MICHAELIS ANGELI
SAMMARVCI ROMANI
A D
MAGNUM COMESTABILEM
REGNI NEAPOLITANI
PHILIPPVM COLVMNAM.
D V C E M
PALIANI, ET TALEACOTIB, ETC.



Romæ, In Hospitio Puerorum Litterati, 1633.
Apud Io: Baptistam Roblettum,

Superiorum permisso.



M A G N O
 COMESTABILI
 REGNI NEAPOLITANI,
 P H I L I P P O
 C O L V M N A E,

Michael Angelus Summarucus P.



Æ Laudes (Princeps Excellentissime) accedunt ad te, quæ vitari minime potuit, quin fuerint potius adumbratæ, quam exornatæ, obscuratæ, quâ illustratæ. Quis enim tam

Magnanimi Herois gesta poterit recensere? Ego verò meam propter ætatis tenui-

nitatem illa destitutus eloquentia , quæ
 ad hoc requirebatur , nequaquam potui
 tanta decora cogitare , nedum narrare ,
 contemplari , nedum describere ; Sed
 quamvis mihi dicendi deficiat copia , ideo
 non deficit occasio in te illa perspiciendi ,
 in quo omnia , tanquam in Annalibus , vi-
 dentur descripta , & ad viuum figurata ;
 Forsan reus ero audaciæ , dum Orationem
 meam , ut in lucem prodeat , dicendam
 sisto ? minime ; Nam si istæ laudes tuæ sunt ,
 cur tibi dicari non debent ? Hanc igitur
 Orationem humanissime , quæ soles vul-
 tu , libenter excipe , cum sit propositum
 argumentum Magnitudinis tuæ , & obser-
 uantiæ meæ . Vale .

31

D E
MARCO ANTONIO
COLVMNA.
ORATIO
AD
MAGNUM
COMESTABILEM
REGNI NEAPOLITANI,
PHILIPPVM
COLVMNAM.



AVDABILITER profecto (Princeps Excellentissime) est in more positum, institutoque Maiorum, ut ad Militum sepulchra, omnium conuentu populorum splendidiora extincti Bellatoris

ris facinora publico sanè præconio exoptarentur, & Heroum illam, præclarū aliquod Reipublicæ munus obeuntium fortitudinem, quæ in ærurnosissima defensione publicæ quietis, in tumultibus Bellorum, in certaminum discriminibus, in peregrinationibus longinquis, pro Patria fortiter tandem aliquando occubisset, id cohonestaret præmium, quod virtuti tantummodo debitum videretur; Quocirca Posterorum inertia silentio minime præterire debet, quicquid gloriosum, atque admirandum, parentum in optima vitæ institutione, ac moribus elucescit. Quippe mortalium conditio acerba nimis esset, si gelidis cum ossibus, & cadauere, Heroicarum pariter memoria virtutum certis sepulchri finibus terminaretur, ac ille bellatrices animæ, quæ in amplissimo suæ gloriæ splendore immortali fructuræ sunt vita, in suorum planè egregiorum mercedē facinorum, optimè elaborata, subito quidem funere afficerentur. Quod sanè non accidit M. Antonio Columnæ, Homini Militaris negotij scientissimo, in cuius abundante ornamentis omnibus vita non sum ita hospes, quin intelligam, mihi eloquentiam, & maturitatem, in ipsa rerum laudabilium de-

maie-

maiestate contendendum, multitudine, desiderandam, & plura me decora, singulare sane præconium postulantiã penitus intacta relicturum, quæ ab aliis, si hæc provincia foret verborum elegantissima, debitis tantæ virtuti laudibus nõ fraudarentur. Ipse enim in tanta Maiorum Amplitudine imaginem promeritus nullo vnquam æuo moriturã, pulcherrimam sui in omni virtutum genere haud immeritò proponit effigiem Posteritati: Quippe tunc egregiis Parentum, facinoribus, quædam sapientissimis, & bellicosissimis, hominibus flamma crescit in pectore, quæ restingui non potest, antequam illa Heroicæ exempla fortitudinis, ac sapientiæ expresseris imitando. Is denique in iucundissimo Patriæ gremio natus, & in tanta rerum Vrbanaŕum affluentia innutritus, infantiam egit, quæ nutricem habuit innocentiam, tenerosque ipsius annos ea solertiũ præceptorum erudiuerẽ documenta, quibus præclara talium puerorum ingenia, ad summum familiæ ornamentum, ciuiumque emolumentum, excitantur. Nam tales sibi vendicant mores, vitæque institutionem, qui publico splendori sunt nati, ac strenuè in assequenda honestarum artium scientia omnes cogitationes suas, atque omnia,

c

flu.

studia conferunt; Nam prælarè intelligūe
splendidiora claritatis ab illa manare præ-
sidia, & à doctrinæ splendore cælebriorem
duci Nobilitatem. Erat in eo rara indoles
animi, egregia corporis forma, magnum,
& acre ingenium, adeo, vt eum nulla diffi-
cultas ad instituto cursu reuocaret, non li-
bido ad voluptatem, non otium ad animi
remissionem, non denique somnus ad quie-
tem; imò haud dubia spes proposita ip-
sum erigebat, honor certus incendebat,
aperta dignitas inflammabat, & ad gloriam
maxima, & certissima præmia commoue-
bant. Quare per ea transiturus loca, in-
quibus videtur adolescentia, labilis ætas,
dubiis voluptatum illecebris blandiētium,
veluti Acheloidum cantibus, in miserum
vocata discrimen; huius vitæ navigationi
tunc commissus vidit Mare ipsum præ secu-
ritate tutissimum sibi esse portum, cum
surdis auribus naufragos illos Syrenum
scopulos nauigasset; Nam ab illa fallacia-
rum omnium scientissima cupiditate, ab-
horrentes, easque dulcissima sub imagine
blanditiarum illecebras pro nihilo putan-
tes, & tandem institutum illud iter emen-
si, vellus Aureum, hoc est virtutem im-
mortali coniunctam fama, consequuntur illi,
qui-

quibus antiquissima Parentum amplitudo
 longissima clarorum bello, & pace viro-
 rum serie, per plurimas deinceps ætates
 repetita somnum excutit, splendidumque
 proponit egregios inter conatus cursum
 ad gloriam. Nimirum intelligebat ocu-
 latissime mentis Adolescens, laborum igna-
 ros, sudorum, molestiarum, fatigationum,
 dolorum, ægritudinum nescios, & om-
 nium aduersarum rerum, & miseriarum
 nequaquam expertes, ingenij magnitudi-
 nem, prudentiæ fastigium, nominis æterni-
 tatem, ac Ciuibus suis noua insuper decora
 minimè consecuturos; quocirca in labo-
 rioso virtutis campo ita desudauit, vt vber-
 rimam gloriæ messem ab illo, magno qui-
 dem cum vitæ discrimine, sed maiore cum
 decore, reportauerit, cum vestigium suo
 in pectore contumaciæ nullum cerneretur,
 atque in roseo ætatis suæ quodammodo
 tyrocinio inter pulchros doctrinæ flores
 iam tum senilis quædam in eo maturitas, &
 prudentia appareret; vt mirandum non
 sit, si sapientia citius, quam ætas adoleue-
 rit, in qua M. Antonius Columna supra
 teneros annos, supra æquilibrium æmulatio-
 nem, supra expectationem Parentû, supra
 Maiorum exempla, denique supra omnium

admiratione adeo se præbuit, ut singulari
 quidem prerogativa felicitatis in aurora
 demonstrauerit meridiem, atque diem af-
 fectauerit, qui nesciret occasum: tantus in
 eo splendor ingenij, tantum animi decus
 elucebat. Sed magis adulta iam ætate
 intellectis militaribus Genitorum vocibus,
 ipsum ad domesticum armorum decus, re-
 uocantium, institutum mutauit, ac scientia-
 rum splendori bellicam prætulit laudem,
 ut hereditaria decora illa, quæ ampla à Ma-
 ioribus acceperat, augeret, & splendido-
 ra suæ traderet Posteritati; Vnde ardenti
 laudis humanæ studio percitus, cum ma-
 gnâ in corporis ornatu poneret elegan-
 tiam, æquorumque, & armorum usu præ-
 celleret (Quæ laus est illa in ætate tam
 rara, quam præclara,) heroicæ strenuitatis
 indicium, quæ clara cæteras inter virtutes il-
 lo emicabant in pectore, egregia nobilis
 Militiæ tyrocinia coepit fortiter exercere,
 otioque iam victo, immanissimo sicut duce,
 reliquas facilius copias dissipari non igno-
 rauit: Nam elaboratæ à Parentibus nobili-
 tatis dignitati nihil ademit, sed admiratio-
 nem auxit, quod non tam Maiorum gloria,
 quam sua virtute clarior, omnes anteiret;
 talem enim esse oportet, qui in illa gloriæ
 pale-

palestra certare velit, & non vilem adipisci laudem, & qui strenuus haberi cupiat luctator, ipse enim adhibens constantiam maximarum rerum effectricem in omnibus rebus, nouus sicut Macedo, spiritus illos Militares, atque ea Victoriarum insignia, exornataque Trophæa, in disiunctissimis Terrarum oris erecta, quæ bellicosam illam atque triumphatricem domum decoraue-
rant, æmulo liuore Maioribus inuidebat, & vt eam familiæ claritatem decebat, & quantum Romanum robur postulabat, ad comparanda Militiæ decora accinctus, regalia tantummodo, ac supremæ quidem strenuitatis, exoptabat pectora, quæ secum in arenam descendere, & decertare viderentur; Quoniam Romana virtus moleste fert, se in ea dignitatis contentione superari; Nam sæuiat Tyrannorum iniquitas, in arma fremant milites, vnde Oceani iam fluctuantis minentur, aperiat Terra, rupta elementorum fide, concutiantur fundamenta terrarum, tonet Cælum, fremat aer, mugiat Aeolus, inhorrescant minæ, fulminet Iuppiter, ferueat Mauros, ac fractus incumbat sibi vniversus Terrarum Orbis, non pallet, nec pauet, sed inconcussam, & impaudam ferient ruinæ. O præclaram

admiratione adeo se præbuit, ut singulari
 quidem prerogativa felicitatis in aurora
 demonstrauerit meridiem, atque diem af-
 fectauerit, qui nesciret occasum: tantus in
 eo splendor ingenij, tantum animi decus
 elucebat. Sed magis adulta iam ætate
 intellectis militaribus Genitorum vocibus,
 ipsam ad domesticum armorum decus, re-
 uocantium, institutum mutauit, ac scientia-
 rum splendori bellicam prætulit laudem,
 ut hereditaria decora illa, quæ ampla à Ma-
 ioribus acceperat, augeret, & splendidio-
 ra suæ traderet Posteritati; Vnde ardenti
 laudis humanæ studio percitus, cum ma-
 gnâ in corporis ornatu poneret elegan-
 tiam, æquorumque, & armorum usu præ-
 celleret (Quæ laus est illa in ætate tam
 rara, quam præclara,) heroicæ strenuitatis
 indicijs, quæ clara cæteras inter virtutes il-
 lo emicabant in pectore, egregia nobilis
 Militiæ tyrocinia coepit fortiter exercere,
 otioque iam victo, immanissimo sicut duce,
 reliquas facilius copias dissipari non igno-
 rauit: Nam elaboratæ à Parentibus nobili-
 tatis dignitati nihil ademit, sed admiratio-
 nem auxit, quod non tam Maiorum gloria,
 quam sua virtute clarior, omnes anteiret;
 talem enim esse oportet, qui in illa gloriæ
 pale-

palestra certare velit, & non vilem adipisci laudem, & qui strenuus haberi cupiat luctator, ipse enim adhibens constantiam maximarum rerum effectricem in omnibus rebus, nouus sicut Macedo, spiritus illos Militares, atque ea Victoriarum insignia, exornataque Trophæa, in disiectissimis Terrarum oris erecta, quæ bellicosam illam atque triumphatricem domum decoraue-
rant, æmulo liore Maioribus inuidebat, & vt eam familiæ claritatem decebat, & quantum Romanum robur postulabat, ad comparanda Militiæ decora accinctus, regalia tantummodo, ac supremæ quidem strenuitatis, exoptabat pectora, quæ secum in arenam descendere, & decertare viderentur; Quoniam Romana virtus moleste fert, se in ea dignitatis contentione superari; Nam sauiat Tyrannorum iniquitas, in arma fremant milites, vnde Oceani iam fluctuantis minentur, aperiat Terra, rupta elementorum fide, concutiantur fundamenta terrarum, tonet Cælum, fremat aer, mugiat Aeolus, inhorrescant minæ, fulminet Iuppiter, ferueat Mauros, ac fractus incumbat sibi vniversus Terrarum Orbis, non pallet, nec pauer, sed inconcussam, & impavidam ferient ruinæ. O præclaram

scilicet commendationem, ò præconium
 singulare; illos appello veteres, Romanæ
 incrementa potentiae, & lumina Maiesta-
 tis. Sit clarus Mutius ille, qui penetrauit
 in hostes, pœnaque sanè voluntaria puniuit
 errorem Romanæ quidem Reipublicae,
 saluberrimum, tùm quoque inter tantas
 fortunæ minas metuendus magis, quam
 metuens, dexteram accenso in ara foculo
 magnanima planè ferocia iniecit, vt Patrię
 profecto libertati sacrificaretur, & illa
 flamma tanto fuit gelu Hetruscorum Ty-
 ranno, vnde obriguit ipse; Quapropter
 veritus est, ne in illa suam potentiam in ci-
 nerem redigi videret, in qua, Aurum quo-
 dammodo, aliorum virtus perficiebatur;
 Rogum vidit sibi fuisse præparatum, vbi
 se Triumphaturum sperabat. Sit in æterna
 gloria Marius: ex illo tamen Mario tam
 humili, ille Marius emerfit, qui Africam
 vicit, Theuthonas, & Cymbros profliga-
 vit, cuius triumphalem quidem currum dux
 potentissimus quoddam, & nobilissimus, lu-
 gurma cohonestauit; Habeatur vir egre-
 gius Scipio, qui Carthaginē duabus nixam
 Hispaniis, huic Imperio imminentem, pro-
 strauit, Barbarasque Nationes contriuit,
 compulit, domuit, Romanique fascibus pa-
 rere

rere coegit. Ornetur eximia laude Cæsar, qui
 Gallicis triumphis decoratus, eos nimis le-
 uia gloriæ præmia putauit: nisi Pharsalici
 Cæmпи Romano sanguine fluctuarent, nisi
 Respublica, in Dictatore, Dominum, non
 Consulem admitteret, & nisi maiore, cum
 Coricolano, laude non Matris Imperio ce-
 deret, sed Patriæ lacrymis moueretur. An-
 teponatur omnibus Pompeius, quem per
 scopulos, regionesque nullo propemodum
 vestigio signatas, traxit, ut tantummodo
 imperaret, ut sudato Magni cognomento
 cohonestaretur. Celebrentur Curius, Bru-
 tus, Fabricius, Papyrius, Paullus, Camillus,
 qui per ardua Montium, per lubrica Valliū,
 per discrimina laborum, per naufragia diui-
 tiarum, per medias Ciuitatū ruinas, per in-
 cendia Regnorū, atque per ipsos mortis tra-
 mites, de acerrimis gentibus, ac nationibus,
 in hanc Urbem Terrarum, Marisque totius
 longè, lateque fusi Reginam, Maximos omnis
 memoriæ Triūphos, per omnium ordinum
 acclamationes, atque plausus reportarūt. Sed
 ne longior pouehatur Oratio mea, ac ne
 degeneret, qua laudum prædicatione Ro-
 manum Heroem efferam? Qui cum an-
 tiquissimos Maiorum fasces, & ampli-
 tudinem Familiæ, clarissimo ducta fonte,
 minimè usurparet, suis tantum splendidit

gloriis, & non alienis, mortalibusque significauit vniuersis, ipsum esse Romanum Patria, natalemque ab ipsa deduxisse virtute; Nam Vrbs illa togata, ac rerum Domina, Theatrum extitit pulcherrimum ingeniorum, atque inuicta animarum genitrix bellicicium, armorumque, & literarum ita amans, vt cum hac vna non Rhodus, non Alexandria, aut ipsa Atheniensium Ciuitas, conferenda esse vlllo modo videatur. Sed quid ago? (Princeps Excellentissime) commendationem hanc, quæ decurso iam spatio calcem ingrediebatur, vix dum è carceribus emissam puto; Nam vastissimum mihi laudum pelagus aperitur, ingeniumque ab illius vndis iam obrutum animaduerto; verum in tanta rerum copia inopiam verborum, vel in Principibus Oratoribus, procreante, sicut Rhetorum Concilium est, ex earum varietate seligam vnum aliquid, quod præstare cæteris, & eminere videatur, vt ex hisce difficultatum scopulis enauiget Oratio, & tutissimum, tranquillissimumque portum facilius consequatur. Id enim bellorum incendium mihi venit inmentem, quo immanis Orientis Tyrannus Cyprum deuastauit, ac cætera quidem Christianorum oppida, & regna incendiisset, nisi præ-

præsto dextere tam magnæ liberatricis aux-
 ilium adiuisset. Sauebat in dies, confini-
 busque penè grassabatur Christianorum,
 plagis, facinorosissimum praedonum pestis
 formidabilis, atque omnes adeo inuaserat
 angulos, vt nullus hominum ordo, nulla
 condicio, ab internecione, & rapinis secu-
 ra reperiretur. Hinc igitur cum vniuersa
 Barbarorum classe ex improviso Othoma-
 nus Imperator delatus in Cyprum, delicia-
 rum hortulum, lætitiæ nidum, ac repente
 locus ille, qui extiterat olim gratiarum ho-
 spitium, factus fuit furiarum habitatio. Non
 igitur hæc videas tantum, sed audias etiam
 luctum cum violentia, & discordia misceri
 per plateas, vbi quondam risus, Amorumq;
 Chorus sedem habuerat: insanientium Mi-
 litum voces, classicorum cantus, armorum
 tumultus, tubarum clangorem, metallorum
 fulmina bellicorum, cedentium impetum, ca-
 dentiū gemitum, avaritiam in rapinis, libidi-
 nem in flagitiis, in violandis Relligionibus
 impietatem, crudelitatem in Civium stra-
 gibus, & direptionibus Urbium, in tecto-
 rum incendiis, in vastationibus agrorum;
 Classemque Mari aperto, Barbarico vlula-
 tu personantem, immanes, & nunquam
 satis deploratas, Rhodi clades renouari,
 fera-

feralem illam Othomanici Tyranni domi-
nandi libidinem, per omnes campos ca-
daueribus oppletos, infana rerum moli-
tione grassari, atque Fidelium ceruicibus,
& Religionis nostrae iugulo imminere :

Crudelis ubique

Luctus, ubiq; paor, & plurima mortis imago,

O spectaculum flebile, id quidem omni-
bus, neminè tamen flebilius, quam tibi, à
Nicosia, Vrbs profecto illis in oris perce-
lebris, ac fortissima illarum Princeps Ciui-
tatum; Tù bellicorum fulmine tormento-
rum, rerumque ordine conuulso, funditus
tremefacta, tenebrisque immensæ densita-
tis flebiliter atrata, parentali nenia tan-
tas inter ruinas, tantosque inter fulminan-
tium bombardarum sonitus, ululasti. O
detestandam, vnoque dignam Othomano
Barbariem. Tù vidisti Tyrannum illum,
in æquata Terrarum planitie cadauera
montium instar erigere, supremæ fastigium
immanitatis ascendere, moenia compla-
nare, Moles diruere, neque trepidantium
squallore matrum, neque lactentium inno-
centia liberorum moueri. Hinc Pius hoc
nomine Quintus, Maxima quidem San-
ctimonia Pontifex celeberrimus, nobis
demonstrauit, laudatissima inter Christianæ
Re-

Religionis officia, nullum esse ad significationem pietatis illustrius, ad bellicae fortitudinis laudem magnificentius, ad famae perennitatem pulchrius, ad memoriam Posteritatis gloriosius, ad veram, solidamque gloriam prædicabilius, ad incolumitatem Reipublicae Christianae salutarius, nisi bellicam expeditionem suscipere, arma comparare, milites scribere, congregare copias, instruere classes, egredi Paternis è testis, remotissimam adire Regionem, Barbarum Imperatorem ad pugnam euocare, eundemque temerè triumphantem è curru præcipientem agere, opprimere, nutantem alicubi Religionem confirmare, nobis liberalissimè Victoriae fructum laborum discrimine, dignitatem nominis vulnerum dedecore, salutis diuturnitatem immaturae mortis acerbitate parere, libertatem in oppida, Religionem in Tempia reducere, quae omnia sunt pietatis argumenta, tam salutaria mortalibus, quam immortalibus grata. Ad reprimendam ergo Turcarum insolentiam in victoriis Pontifex sapientissimus, sub M. Antonio Columna, egregio quidem Imperatore, còpules expediuit Heroas, & Naues, ut denuo nostris etiam répestatibus
 Orien-

Orientalis Pharao, vndarum denudata,
 concordia, post tot documenta plagarum,
 cum nobis haec COLVMNA dux esset,
 Maris discidio, reuolutis proprii sanguinis
 fluctibus cum exercitu absorberetur. Na-
 uigabat enim cum aliis inuictus Imperator
 anhelans cædem, martemque spirans, nouus
 quodammodo Iason non ad vellus Auri ac-
 quirêdum, sed ad gloriae properabat, quo-
 niam Romana virtus non seruit fortunæ
 donis, sed dominatur. Cum enim in Sici-
 liam accessissent, illis inuenerunt in oris
 Ioannem Austrium non mea tantum, sed
 omni omnium prædicatione mortalium,
 Principem Inuictissimum, & puppes, quas
 Florentia, Melita, Venetiae, & Hispa-
 nia, miserat armatas, ut pestem, ac per-
 niciem, quam Barbari illi nobis machina-
 bantur, in ipsorum capita conuerterent.
 Hi simul coniuncti in sinu Ambracio in im-
 manissimum Christiani nominis hostem in-
 ciderunt; Quod gaudium, quæ ferocia,
 quæ virtus, quæ alacritas, quæ hilaritas,
 nostrorum emicare visa fuit in pectore?
 Vicit denique cum cæteris, & complures
 aduersariorum Naues cepit, & infinitas
 propemodum Christianorum copias Treicia
 à seruitute liberauit Marcus Antonius Co-
 lum-

lumna, quo longè Magnificentius, quam
 suis illis quondam Heroibus Roma gloriari
 potest, qui Anibale victo, fugato Pyrrho,
 Cartagine excisa, Numantia euersa, cæte-
 risque Barbarorum Nationibus profliga-
 tis, per amplissimos honorum, ac victoria-
 rum tramites, ad fastigium huiusce Maie-
 statis prouecti fecere, ut nullus iam Terra-
 rum angulus Romanos frænos ignoraret.
 Illos etiam appello, fortissimos Heroas,
 Ascanium, inquam, qui Corneam familiam
 insignibus latissimè triûphis, cohonestauit
 aliosque cõptures, qui potiti Maiorum vir-
 tute, & gloria sub hac firmissima, ac solidis-
 sima Romani nominis, ac dignitatis CO-
 LVMNA, audaciores iam facti, valdè vi-
 ctoriam illam præclarissimis suæ dexteræ
 facinoribus decoram reddiderunt. Te mi-
 nime præteribo, Francisce Braccioline,
 qui in conflictu illo tam commendato, pul-
 cherrimis vulneribus affectus aduerso cor-
 pore, tui purpuram triumphi proprio in-
 sanguine colorasti, & ad æternæ Capito-
 lium Beatitatis aduolasti, ut emenso stre-
 nue curriculo, & tacta feliciter meta, te
 splendidissimum laudum eximiarum in illa
 immortalitatis Arce, coronamentum de-
 coraret. Iam olim floruisse in Bello, nunc
 vero

vero te renouatum video in pace, præser-
 tim in illo Fratris Filio, quem Musæ Paren-
 tes æternitatis, & gloriæ nutrices, regnatri-
 cium APVVM sub auspiciis, ingenuo lacte
 disciplinatum, & melle sapientiæ in hor-
 tensibus Parnasij culminis deliciis educas-
 se gloriantur. Illum enim bellorum ignem
 altæ pacis cinere consopuit aliquando, sed
 non extinxit Romanus homo; nam indeo-
 rum sibi putauit, nisi ad Triumphalem bel-
 licæ suæ virtutis gloriam pacatæ quoque
 pietatis laus accessisset. Quare exorta
 Venerium inter, & Ioannem Austrum
 discordia, ac bellatores Militum animos,
 qui inter se dissidebant, imò ad mu-
 tuam ferociebant stragem, ita compo-
 suit, ut amplius inter eos nulla inimici-
 tiarum, aut irarum indicia remansisse
 viderentur. Hinc exorata pax; hinc dis-
 sidia sublata; hinc conciliata concordia;
 hinc hominum Bellicosissimorum præci-
 pites animi à mutua in semetipsos se-
 uendi barbarie reuocati; hinc dulci-
 ter contumacium Ducum audacia com-
 pressa; hinc omnium irarum genera
 depulsa. O præstantem hominis animum,
 æquè fortem, ac pium; O præclaras lau-
 des publico præconio excipiendas. Sileant
 hic

hic veterum illæ tantopere celebratæ laudes; obscuretur illa dextera Carthaginis, Numantiæque expugnatrix, claraque illa, & exornata Trophæa, illustrium Victo-
 riarum insignia, conticescant; Quippe omnium eorum gesta, quæ Oratorum excedere copiam videbantur, huius unius gloriæ splendore obscurata delitescunt.

Quid plura? (Princeps Excellentissime) nulla vitæ pericula, nulla corporis incommoda, nulli fluviorum transitus, nulla Montium præcipitia, nullæ Sylvarum angustię, nullæ viarum difficultates, quæ omnia ceteros ab incepto solent retardare, & a rebus gerendis abducere, eius animum terruere, accurrere ad publicum armorum incendium, Barbaricarum flatibus Nationum excitatum, innumerabilibus latissimè stragibus diffusum, vigilare, festinare, cuncta obire, cognoscere virtutis ramos è laboribus, atque sudoribus produci, in expeditionibus premere Maiorum vestigia, & in antiqua possessione bene collocatæ laudis hærete cum dignitate, quæ aut strenuo milite, aut egregio Imperatore digna videbantur. Ipse nimirum, verax Romanæ fortitudinis spes, in certaminibus, &

trium-

triumphis, exempla renouauit eorum, quos
 Vrbs ipsa de celeberrimo Phrigiz cinere
 nata, ac Terrarum, Mariumque omnium
 Princeps, in lucem edidit; eosque teneris
 ab infantiae cunabulis ferox armorum sy-
 dus afflauit, vt Natio tantummodo illa, quæ
 togata cæreris quocunque tandem nomine
 nuncupentur, Rebus publicis, auctoritate,
 vitæ moribus, prudentia, ac maiestate, an-
 tecellebat, ad bellandi quoque discrimina
 informari videretur. Voluerunt sæpe sæ-
 pius Rhetores in quacunque dicendi parte,
 nomen ipsum hominis laudati materiam,
 peramplam præbere posse dicentibus; sci-
 licet si nomen fuerit, quo cohonestatum
 hisce temporibus. Heroem aliquem, aut
 virum clarissimum, vel scriptorum monu-
 menta, vel fama testetur, tunc enim occa-
 sione ex nomine sumpta, inter facta viri, à
 nobis exornati quædã instituenda est com-
 paratio, vt Oratio pulchrior, ac splendi-
 dior videatur. Quod sanè non adhibui;
 non enim cum M. Antonio, qui aduersis
 celsit Imperiis, leucatenque nobilitauit
 fuga, ac sui nominis infamia; Sed cum Ma-
 gno Macedone illo, qui præliorum, ampli-
 tudine, & felicitate præstantissimus exer-
 citum per longissimos Marium tractus in-

tra

tra Gangem, & Indum deportauit, vt
 victor sui fines Imperij Terrarum ea tem-
 pestate cognitarum finibus terminaret, &
 cum Cn. Pompeio, qui ob magnitudinem
 rerum gestarum, Alexandro, cui beliorum
 gloria Magni cognomen in perpetuum
 confirmarat, primum Militiæ prærogatiss;
 deinde omnium populorum suffragio, est
 æquatus; ac denique cum Cæsare illo, aliisq;
 quidem Imperatoribus comparandus est
 M. Antonius Columna, qui reiectis deniq;
 Militiæ laboribus, in quibus paucissimos
 æquales habuit, superiorem fortasse nemi-
 nem, in altissima pace constitutus, Regalem
 gerens vicem in Sicilia ad gloriam illius
 Nationis vniuersæ, amplissimis eam suæ li-
 beralitatis monumentis Insulam reddidit
 splendidissimam, & suo nunquam morituro
 nomine remotissimas quoque aures adeo
 impleuit, vt mirabiliter Romanis cacumi-
 nibus, atque Indicis cautibus, clarior in-
 dies, Echo egregiæ fortitudinis, atque famæ,
 resuluauerit. Verum illam in conflictibus
 ferociam, illam in Victoriis modestiam,
 illud conseruandæ Reipublicæ studium, illū
 tam magnanimum impetum gloriæ Milita-
 ris, illam pro salute publica fortitudinem,
 in virorum pectoribus, animisque grato;
 d rum

rum Ciuum; viuente illam animosita-
tem, illam excellentiam in armis, & so-
lertiam, illas tandem aduerso corpore
cicatrices, illa vulnera, illa tot eximie
decora Militiæ, quæ fitebunt monumen-
ta literarum? quæ ignorabunt Nationes?
quæ annorum fuga delebit? quæ obscu-
rabunt inuidentiæ tenebræ, quæ Proinciæ,
quæ linguæ, quæ sæcula non prædicabunt?
Viuat ad huc Marcus Antonius Columna
cuius virtus Romano calamo nuper exor-
nata, & summis Poësis illustrata lumi-
nibus in Heroico disertissimi Tronsarelli
Carmine spectatissimum Cælum habet
sue laudis, & gloriæ. Spirat adhuc,
eiusque fama in animis immortalibus
Posterorum, sepulchrum accepit immor-
tale, & gloriosum; viuat viuat adhuc in
suarum accessione virtutum, & benefi-
ciorum, atque eius fortitudo in Nepo-
tibus imitatione celebratur, prædica-
tione percrebrescit, emulatione propa-
gatur; Neque illum amissimus, qui in
eternitate temporum per omnia immor-
talium laudum præconia comendatus glo-
riosissime elucescit; & præcipue tuis in-
filiis, (O PHILIPPE) apud quos,
Heroes veteres illos, obscuratos, ac no-
stro

stro quo superatos, iam videat Romam, quę tantorum cumulo honorum, & virtutum metitur magnitudinem felicitatis suę, & nominis maiestatem, & amplitudinem Imperij, cuius iacturam nulla potest eloquentior, quam lacrymarum affluentia, perorare.

D I X I:

I have been thinking of you very much lately
 and wondering how you are getting on.
 I hope you are well and happy.
 I have been very busy lately
 but I will write to you again soon.
 I am your affectionate friend,
 Mary

I am I am

DE LAVDIBVS
DOMINICI
CARDINALIS
CAPRANICENSIS.

ORATIO
MICHAELIS ANGELI
SAMMARVCI ROMANI

A D
S. P. Q. R.

Habita in Aula Almi Collegij Caprani-
censis, secundo die Paschatis Anni
M. DC. XXXII.

SECUNDA IMPRESSIO.



Romæ, In Hospitio Puerorum Litterati. 1633.
Apud Io: Baptistam Robletum.

Superiorum permisso.

Copyright 1914 by
The McGraw-Hill Book Company

NEW YORK

1914

MADE IN U.S.A.

PRINTED BY THE

McGraw-Hill Book Company

NEW YORK

1914

MADE IN U.S.A.

PRINTED BY THE

McGraw-Hill Book Company

NEW YORK

1914

MADE IN U.S.A.

PRINTED BY THE

McGraw-Hill Book Company

NEW YORK

1914

MADE IN U.S.A.

PRINTED BY THE

McGraw-Hill Book Company

NEW YORK

1914



Illustrissimo, & Excellentissimo

D V C I

F V L V I O

C O R N E O.

Michael Angelus Sammarucius F.



X. clarissima tuæ Excellentie luce (Magnanime Princeps) subiit me audacia afferendi splendorem huic meo tenera in Adolescentia labori, quæ ingenij, & styli mei partum dicam ne? an abortum? cuius imbecillitati iam olim firmissimum constitui munimentum, ut sine periculo appareret; Nunc vero iterum eundem tuis sub

d 4

au-

auspiciis Typis mandare decreui; Paruas
 excusabis vires, quæ si deficient, ipsa in-
 teraet optimæ voluntas; Nam ne vlla
 lioris vmbra mihi afferat molestiam,
 hanc meam Orationem, quam in nostro
 Almo Collegio Capranicensi habui, quam-
 uis exiguum obseruantia meæ pignus, In-
 clyto Nomini Tuo haud immerito conse-
 cratam denuo ad te mitto. Vale.

DE
 LAUDIBVS
 DOMINICI
 CARDINALIS
 CAPRANICENSIS
 ORATIO
 AD
 S. P. Q. R.



REQVENTIA vestra
 incredibilis, Quirites,
 concioque præstantissi-
 morum pari nobilitate,
 & sapientia Ciuum,
 torpentem me, ac dubi-
 tantem excitat ad dicen-
 dum, atque adornandam extincto Prin-
 cipi laudationem; nempe fugituum mor-
 tali.

talitatis lenocinium, & exigua lacrymarum solatia, ipsa cum Oratione peritura; Rediit enim anno vertente illa dies, mihi quidem propter Prouincia demandatæ magnitudinem non nihil pertimescenda; vobis propter Orationis meæ ieiunitatem non vehementer expetenda; Omnibus verò propter præclaram Dominici Cardinalis Capranicensis memoriam summæ animi alacritate recolenda, qua Virum præstantissimum anniuersaria laudum prædicatione in hoc Sapientiæ Theatrum reuocamus, vt iacta à se iampridem gloriæ fundamenta, in grata virtutum suarum recordatione succrescentia recognoscat; Sed quomodo hoc tempore factum sit, vt ego de tanto Viro dicere debeam, in quo exornando summorum Oratorum voces, atque ipsa propemodum eloquentia conticesceret, & mirari vos arbitror, & me nescire profiterer, nisi hoc etiam Dominici gloriæ datum putarem; vt Oratoris infantia rerum præclarè gestarum magnitudine iuaretur; quod ergo me à dicendo deterere debuisset, hoc ipsum vehementius incitavit, cum Orationis exilitatem in tanta rerum copia timere non possum, & humanitas etiā vestra qualesquales conatus meos boni consultura sit.

Et

Et mihi quidem in Dominici Capranicæ
 mores, viteque institutionem intuenti; il-
 lud veniebat in mentem, quod à viris sa-
 pientissimis prudenter observatum intelli-
 gebam; eam videlicet Romano Cælo inef-
 se vim, ut quicumq. sub illa feliciter oriun-
 tur, nescio quid imbibant arcanum, &
 efficax, quod illos ad literatam pariter,
 armatamque gloriam vehementer exti-
 mulet. Hinc præclara illa Romanorum,
 veterum nomina, & armis, & doctrinis
 illustria, quæ fastos vestros locupletant
 (Quirites) ad imitationem utriusque lau-
 dis Posteris alliciunt, & insita mortali-
 bus emulatione sollicitant; Quod ut mul-
 tis probare non debeam, facit vnus Do-
 minici indoles, in utrumque flexibilis, &
 ipsa studiorum varietate memorabilis: &
 prima quidem pueritiæ rudimenta in lite-
 ris posuit, cum ætas illa nondum labori-
 bus assueta, & disciplinae asperioris im-
 patiens, erudiri tantisper in Palladis
 Castris ad togæ munera postularet, ut
 animum bonis artibus imbutum, ad
 eiusdem Palladis, sed armatae, stipen-
 dia aliquando transferret: & operae sa-
 nè pretium extitit: nam placidi, ac su-
 bacti ingenij puer per omnes ingenua-
 rum

sed ut omnibus à prima statim Adoleſcentia artibus aſſueſceret is, qui omnes deinde in reliquo vitę curſu uſurpare ſummo cum populorum emolumento debebat; Quos in legum nexibus reſoluendis labores non exhauxit? quas moleſtias non eſorbuit? intelligebat nimirum nullis parcendum vigiliis, laboribus nullis, illi, qui in Romana luce vellet mediocri ſaltem cum laude verſari; nobilitatem generis, ſumofas Auorum imagines, ſtemmata longo à Proavis ordine deducta, ludibria eſſe fortunę ſtatim euaneſcentia, & parum prodeſſe ad gloriã, niſi illa virtutis precio facias ampliora: marceſcere breui adoleſcentiæ florem, formę illecebras, vel ſola temporis diuturnitate contabefcere, eneruari vires iuuentutis, diuitias in cogitantibus effluere, honores euaneſcere, corpus ipſum, vel ſenectute fatiſcere, vel morbis ingruentibus elangueſcere: Sola animi decora perennare, virtutis ornamenta in dies clariora coruſcare, doctrinam nominis immortalitatem polliceri: Laborandum proinde Adoleſcentibus ſtrenuè, ut humo ſe tollant, & cum præſentis vitę ſubſidia, tum futurę decora literarum auſpiciis conſequantur. Hęc ut apud ſe ſtatuit magnanimus

mus adolescens, in eam curam constanter incubuit, ut exacta legum peritia, sibi nominis aternitatem, Cuius suis noua insuper decora compararet. Hinc laurea donatus, non quidem Apollinari, sed ea, quam suis manibus Astrea compegerat, fociis suis exemplo praelusit: quam bene adolescentiæ studia, laboresq. locentur. Vix enim alterum, & vigesimum natus annum à Martino Quinto Summo Pontifice, quem licet absentem, doctrinæ, atque virtutis opinione sibi conciliauerat, Mantuam accitus inter Apostolicæ Camerae, quos vocant Clericos, numeratur: hoc est inter Urbanos Romani Principatus Quæstores, qui plurimum ea tempestate, & apud Principem gratia, & apud ceteros auctoritate pollebant: Nec ita multò post Secretarius renunciatur, ut Collegium illud Amplissimum doctorum in primis Virorum Societate venerabile, Dominicus suis etiam ornamentis cumularet. Magnum est, Quirites, ita vel literarum gloria, vel rerum gerendarum usu, vel morum innocentia, florere, ut in se omnium mortalium oculi coniciantur; At quantò præclarius cum Dominico actum putabimus, qui clarissimis

viris

viris, & familiaritatis iure, & muneris so-
 cietate coniunctus, omnibus tamen sancti-
 moniæ, doctrinæque opinione præcelluit;
 Hos ego cum nomino, Leonardum Areti-
 num, Cincium Romanū, Antonium Luscū,
 Poggium Florentinum, Iacobum Læpsum,
 Blondum Foroliuiensem intelligo, præstan-
 tissima, vt videtis, nomina, & Posterorum
 admiratione dignissima; Hos inter adlectus
 à Summo Pontifice Dominicus, mirū quan-
 tum sapientissimi Principis voluntatem sibi
 deuinxit, cum opinionem de se conceptam
 virtutis magnitudine superauit; Hinc ad dis-
 soluendum ex Pontificis decreto Conciliū,
 Senas mittitur, ac re benè, & feliciter gesta,
 Romam rediens Prothonotarius declara-
 tur, & Æmiliam pro Legato administran-
 dam cum Imperio proficiscitur. Vna nimi-
 rum Vrbe, quamuis amplissima, atque Vr-
 bium omnium regina, contineri virtus, tanta
 atque doctrina nō poterat, quæ ad publicum
 Terrarū Orbis beneficiū Dominico fuerat
 concessa diuinitus. In illius administratione
 Prouinciæ quæ nō edidit documēta sapiētiæ,
 vt totus in literis abditus ea à Iuriscōsul-
 torum monumētis hauriebat documēta, quæ
 ad populorū vtilitatē opportunè de prome-
 ret? Sed quid ages tandem iuuenū nobilissimæ
 quo

quò te literatus ardor abripiet, quò te do-
ctrinæ amor abstrahet? & à reliquis vitæ
curis auocabit? ad arma velis, nolis, de-
ueniendum est, atque ut te scientiarum stu-
dium in tranquillitatis sinu detineat, in-
turbas tamen Romæ tuæ Genius, seditio-
nesque proiciet: Nimirum à Marte ori-
ginem repetit gens Romana, & ferocis sy-
deris afflatu ad bellandi cupiditatem eru-
dita, spiritus concipit origini suæ pares.
Ipsa hæc rudera bellatricis quondam Vr-
bis, disiecta hæc Capitolijs saxa triumphan-
tium rotis sæpe protrita, hæc delubra deui-
tarum Gentium manubiis consecrata; hi
Arcus, hæc Fora, hi Campi, nescio quid in-
dunt animis Posterorum; quod illos ad
cruenta Martis pericula voluntariè impel-
lit. Ita est, Quirites; A pacis otio ad bel-
li negotium, & tumultus animum Domini-
cus auertit, ut nobilissimum ingenium, tum
bellatorum sudoribus irrigatū, cum etiam
sapientum disciplinæ illustratum, latius elu-
cesceret. Telorum illè volitantium fulgor
aciem mentis exacuit; Inter vecordes vo-
ciferantium militum conflictus efferato im-
petu exardescantium mentem imbibit mi-
litarem: bellicas tamen disciplinas, non
quasi incitamenta arrogantis, sed quasi vir-
tutum

tutum instrumenta adamabat. Populos,
qui in Italia inter se dissidebant, ac fluctua-
bant, Dominicus pulcherrimæ fundator
pæcis, amplissimaque armorum gloria,
turmis fortissimorum Militum contractis,
(quamvis res bellica cæcos habeat even-
tus) intus accedens, plenus virium, animi
plenus, debellavit, commotosque animos
conciliauit, atque illos tanta benevolentia
sua humanitate, mansuetudine, prudentia,
in vicem deuinxit, ut inter eos nullæ inini-
citiarum, aut irarum causæ remansisse vi-
derentur, sed quæ, ac rebus suis optimè
consultum à Dominico crederent, & glo-
riarentur; Hos autem animæ bellatricis
igniculos, insita motum temperatione
conspicuos, sed non extinctos, opportu-
nè rursus excitauit, cum in agrum præconum
summo cum Imperio Præfectus, & aduer-
sus Franciscum Stortiam exercitum non-
scribere à Pontifice iussus, quamvis Ducem
ignatia prælii euentus non satis prosperè
cécidisset, Asculum tamen, firmum, aliq.
oppida non vulgaria, qua vi, quo concilio,
cepit? & Romani Pontificis ditionem
amplificauit; Sed non diù bellandum cum
hostibus fuit homini sapientissimo, & iam-
dudum Sacre Christi Militiæ mancipato,

das Alfonſi Regis cum Venetis inimici-
 tias, optimus ad coercenda prudentis
 charitatis officiis diffidia ſeditionum,
 promptus ad bellorum incendia caeleſtis
 concordiae ſpiritu reſtinguenda, & ad con-
 ciliandos inter ſe Chriſtianorum Princi-
 pum animos, à Pontifice Legationis glo-
 ria decoratus, Bizantium Urbem illam
 Imperij Sedem, tum primis à Turcis per
 fraudem occupatam, tot inter immanif-
 ſimorum hoſtium proprio ſanguine flu-
 ſuantem, & media colluuiione Barbaro-
 rum enocare, è Turcarum faucibus eri-
 pere, & ipſius immanitatis complexu, at-
 que ſeruitute, in libertatem aſſerere ten-
 tavit, opemque tulit; quam homini pri-
 uato licuit præſtare. Sed nihil æquè dili-
 genter curauit, ac intèriores animi ſedi-
 tiones ita cohibere, vt ratio Princeps, ac
 Diuina pars hominis dominaretur, ſen-
 ſum vero ſatellitium non eſſet in pote-
 ſtate. Fuit in Dominico humanis pericu-
 lis eminentior animi magnitudo, nullis
 vitæ labefactata illecebris, nullis mortis
 exanimata terroribus; Nemo fuit, qui
 conſtantiffimæ mentis firmitatem non
 admiraretur. Illo iam tempore poſt ru-
 multuantes Maris æſtus recepta velut in

Portu paupertas, & frui tranquillitate
 cepit, & nouo repente miraculo euasit
 in diuitem, quæ lacera, & gembundo a-
 spectu à Dominico suscepta ynum cum
 patronum inuenit, & patrem. Quid di-
 cam de alijs virtutibus, quæ à tanto Prin-
 cipe promanarunt? quid de molibus exci-
 tatis, atque ere&is, Testor Sacellum illud
 in templo Magnæ Virginis cognomento su-
 pra Mineruam, augustum illud antiquæ Ma-
 grificentiæ monumentum, quo cum vix
 pyramides Ægypti, & Cariæ Mausolæa pos-
 sint de Maiestate contendere. Quid com-
 memorem eius in victu parsimoniam,?
 & quod memorabile est, pudicitia florem?
 qui in amenissimo laudum eximiarum hor-
 to, summam æquidem potulit virtutum,
 variarum pulchritudinem, admirandæque
 sparsit odorem sanctimoniz. Quid de li-
 beralitate? Aspicite hoc nostrum Almu
 Collegium disciplinarum omnium empo-
 rium; non enim tam in huius Amplissimi
 Domicilij lapidibus Dominicus viuit, quod
 ad Philosophiam nudriendam, fouendam
 Theologiam, Iurisprudentiam adamandam
 erexit, quam in Romana perpetuo viues
 iuuentute, quæ in hac sede Doctrinarum
 ad Civilem felicitatem collocata est. vs
 eius

eius gratam recordationem testetur laudibus, preconis prosequatur, & ipse quoque liberales discipline lingue fiant ad eum exornandum facundissime, porro quanto maius est vivere semper omnium in oculis, habitare in animis, quam in monumentis. Hinc ætatem omnem tam Sanctæ, Religiosæque traduxit, ut morum, temperatione nihil Christianæ severitatis officiis, comitas officeret, nihil de comitate arctioris discipline custodia detraheret, ut amorem pariter, ac reuerentiam populorum sibi conciliaret. In Deum prius, munificus in homines, ita sibi utroque demeruit, ut ab illo virtutum omnium incrementum, ab his immortalitatem nominis adeptus sit. At nos præcipue in Amplissimam illius liberalitatis partem vocati sumus, quicumque in Capranicensi Collegio, in studijs bonarum artium, ad nominis gloriam, ad Reipublicæ utilitatem adulescimus; Nobis ille fecit hæc otia, in quorum sinu compositi honorificentissime prosequimur studia Doctrinarum, ut qualisqualis isthæc ingentis beneficii commemoratio, non tam iuste laudari à vobis debeat, quod exhibetur, quam si præteriretur, reprehendi merito posset,

at-

atque ut ad munificentiam prorsus regiam,
qua Domum, ac sumptus nobis suppeditat;
alius etiam cumulus accederet. Collegij
sui præfecturam vobis commendavit,
Quirites, ut à vestris non tam monitis,
quam exemplis, omnium repeteremus
documenta virtutum, & repeteremus
sanè, ne simus ingrati, præeunte præsertim
te, Valeri nobilissime, in cuius nomine,
ne degeneret, conquiescit Oratio mea.

Valerius
Sanctacrutus.

D I X I

